



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ
ՎԱՐՉԱԿԱՆ ԱԿՏ N 1507755
ՀԱՐԿԱՅԻՆ ՊԱՐՏԱՎՈՐՈՒԹՅՈՒՆՆԵՐԻ ՀԱՇՎԱՐԿՄԱՆ ԵՎ
ԳԱՆՁՄԱՆ ԱՌԱՋԱԴՐՄԱՆ ՎԵՐԱԲԵՐՅԱԼ

06 մարտի 2020թ.

Բ. Երևան
(կազմման վայրը)

Ակտի հասցեագրեր

«ԴԻԵՏ» ՍՊԸ

(անհատ ձեռնարկատիրոջ անունը, ազգանունը (անհատ ձեռնարկատիր նշումով) կամ իրավաբանական անձի անվանումը)

0	6	9	0	8	6	8	5
---	---	---	---	---	---	---	---

(հարկ վճարողի հաշվառման համարը՝ ՀՎՀՀ-ն)

Լուռու մարզ, ք.Վանաձոր, Թումանյան փող. 16

(անհատ ձեռնարկատիրոջ հաշվառման հասցեն կամ իրավաբանական անձի գրանցվելու վայրի հասցեն)

Խախտման նկարագրությունը

ՀՀ ՊԵԿ հետաքննության և օպերատիվ հետախուզության վարչության պետի 04.02.2020թ-ի թիվ 1507755 որոշման համաձայն «ԴԻԵՏ» ՍՊԸ-ի նկատմամբ իրականացված օպերատիվ հետախուզական միջոցառումների արդյունքում պարզվել է, որ 20.02.2020թ-ին ժամը 11:00-ի սահմաններում Ընկերության ք. Վանաձոր Թումանյան 16 հասցեում գտնվող կաթնամթերքի արտադրամասում՝ Ընկերության կողմից շահագործվող «Ֆորդ Տրանզիտ» մակնիշի 36 CM 023 պետհամարանիշի ավտոմեքենա է տեղափոխվել ներքոնշյալ ապրանքները.

1. Թթվասեր 400 գր. 110 հատ 1 հատը 430 ՀՀ դրամ արժեքով,
2. թթվասեր 170 գր. 75 հատ 1 հատը 200 ՀՀ դրամ արժեքով,
3. կաթնաշոռ 200 գր. 50 հատ 1 հատը 360 ՀՀ դրամ արժեքով,
4. մածուն 1կգ 40 հատ 1 հատը 240 ՀՀ դրամ արժեքով
5. կաթ 1լ. 37 հատ 1 հատը 250 ՀՀ դրամ արժեքով,
6. պանիր լոռի 35 հատ 1 հատը 1800 ՀՀ դրամ արժեքով
7. կարագ 1 կգ 5 հատ 1 հատը 2300 ՀՀ դրամ արժեքով:

Պարզվել է նաև, որ 20.02.2020թ-ին ժամը 11:20-ի սահմաններում Ընկերության կողմից շահագործվող «Ֆորդ Տրանզիտ» մակնիշի 36 CM 023 պետհամարանիշի ավտոմեքենայից՝ Ընկերության վարորդ-առաքիչ Արսեն Գևորգյանը՝ ք. Վանաձոր Համբարձումյան 37 հասցեում գործող խանութին է մատակարարել Ընկերության արտադրանք հանդիսացող հետևյալ ապրանքները.

1. թթվասեր 400 գր. 10 հատ,
2. կաթնաշոռ 200 գր. 5 հատ,
3. կաթ 1լ. 5 հատ,
4. կարագ 1կգ 1 հատ:

ՀՀ ՊԵԿ տեղեկատվական բազայում առկա տվյալների ուսումնասիրության արդյունքում պարզվել է, որ ընդհանուր 173.650 ՀՀ դրամ արժեքով ապրանքների տեղափոխման, ինչպես նաև 9650 ՀՀ դրամ արժեքով ապրանքների մատակարարման համար 20.02.2020թ-ին ժամը 11:20-ի դրությամբ «ԴԻԵՏ» ՍՊԸ-ի կողմից դուրս գրված չի եղել համապատասխան հաշվարկային փաստաթուղթ:

Վերոգրյալը հաստատվել է նաև Ընկերության վարորդ-առաքիչ Արսեն Գևորգյանի կողմից 20.02.2020թ-ին ներկայացված գրավոր հայտարարությամբ:

Թիվ 1507755 արձանագրությամբ 20.02.2020թ. հարուցվել է վարչական վարույթ: Կողմը, պատշաճ ծանուցված լինելով, չի ներկայացել վարչական վարույթին: Գործում առկա չեն լրացուցիչ ապացույցներ, չեն ներկայացվել միջնորդություններ:

Այսպիսով, խախտվել է ՀՀ հարկային օրենսգրքի 57-րդ հոդվածի 1-ին մասի պահանջները, ըստ որի, ՀՀ տարածքում մատակարարվող կամ տեղափոխվող՝ շարժական, նյութական գույք հանդիսացող ապրանքների (բացառությամբ հանրային ծառայություններ մատուցող հարկ վճարողների կողմից հանրային ծառայությունների ենթակառուցվածքները շահագործելու և (կամ) սպասարկելու նպատակով տեղափոխվող ապրանքների, Կառավարության սահմանած ցանկում ներառված ոլորտներում գործունեություն իրականացնող հարկ վճարողների կողմից տեղափոխվող հիմնական միջոցների, ինչպես նաև խողովակաշարերով և էլեկտրահաղորդման գծերով ապրանքների և արտարժույթի) մատակարարումը կամ տեղափոխությունը պարտադիր կարգով իրականացվում է ուղեկցող փաստաթղթերով:

Կատարված խախտման համար պատասխանատվություն է նախատեսված ՀՀ Հարկային օրենսգրքի 410-րդ հոդվածի 1-ին մասի 2-րդ կետի ա) ենթակետի համաձայն, ըստ որի ... «Օպերատիվ-հետախուզական գործունեության մասին» ՀՀ օրենքով սահմանված կարգով իրականացվող օպերատիվ-հետախուզական միջոցառումների ընթացքում ապրանքների մատակարարման կամ տեղափոխության փաստաթղթավորման համար Օրենսգրքով սահմանված պահանջների խախտման՝ Օրենսգրքով սահմանված պահանջները չբավարարող ուցեկցող փաստաթղթով կամ առանց ուղեկցող փաստաթղթի ապրանքների մատակարարման կամ տեղափոխության հայտնաբերման դեպքում, բացառությամբ սույն հոդվածով սահմանված դեպքերի, խախտման հիմք հանդիսացող գործարքի կամ գործողության մասով՝ խախտման երկրորդ փաստ արձանագրվելու դեպքում գանձվում է տուգանք՝ անփաստաթուղթ ապրանքների գնի (արժեքի) 100 տոկոսի չափով, բայց ոչ պակաս 500 հազար դրամից:

Տվյալ դեպքում «ԴԻԵՏ» ՍՊԸ-ի կողմից խախտումը վերջին մեկ տարվա ընթացքում կատարվում է երկրորդ անգամ (ՀՀ ՊԵԿ իրավաբանական վարչության 11.06.2019թ-ի թիվ 1505573 վարչական ակտ): Ապրանքների ընդհանուր գումարը կազմել է 183.300 ՀՀ դրամ, որի 100 տոկոսը կազմում է 183.300 ՀՀ դրամ, ուստի օրենսդրական պահանջից ելնելով «ԴԻԵՏ» ՍՊԸ-ի նկատմամբ կիրառելի է 500.000 ՀՀ դրամի չափով տուգանք:

Ելնելով վերոգրյալից և ղեկավարվելով ՀՀ հարկային օրենսգրքի 428-րդ հոդվածի 1-ին մասով, ՀՀ ՊԵԿ նախագահի 28.08.2019թ. N 562-Լ հրամանով.

Որոշեցի

1. Հաշվարկել «ԴԻԵՏ» ՍՊԸ-ին գանձման առաջադրել 500.000 ՀՀ դրամի չափով տուգանք՝ որպես հարկային պարտավորություն, համաձայն ստորև ներկայացված աղյուսակի՝

	Վճարման ենթակա գումար (դրամ)	Վճարման ուղղությունը	Հաշվի համարը
Հարկային օրենսգրքի 410-րդ հոդվածով սահմանված տուգանք ընդամենը, որից՝	500.000	պետական բյուջե	900008000490

2. Ընդունել ի գիտություն՝

1) Սույն վարչական ակտն օրենքով սահմանված ժամկետում անբողոքարկելի դառնալուց հետո՝ օրենքով սահմանված ժամկետում վարչական ակտով առաջադրված տուգանքը չվճարվելու դեպքում, ենթակա է հարկադիր կատարման:

2) Սույն վարչական ակտն ընդունված է համարվում ստորագրվելու օրվանից և ուժի մեջ է մտնում հասցեատիրոջն իրազեկելուն հաջորդող օրվանից:

3) Սույն վարչական ակտն ուժի մեջ մտնելուց երկամսյա ժամկետում կարող է բողոքարկվել վարչական կամ դատական կարգով:

4) Սույն վարչական ակտը կազմվել է երեք օրինակից:

ԻՎ պետ Ա. Մնացականյան

Վարչական ակտն ընդունող պաշտոնատար անձի պաշտոնը, անունը և ազգանունը

Կ.Տ.



ստորագրությունը

Ստացա ակտի մեկ օրինակը

ընդամենը 3 էջ

տնօրեն Միսակ Մելքոնյան

Ֆիզիկական անձի անունը, ազգանունը
(անհատ ձեռնարկատիրոջ դեպքում՝ անհատ ձեռնարկատեր նշումով) իրավաբանական անձի գործադիր մարմնի ղեկավար (գրագրության ընդունման համար պարասխանադու անձ՝ հատուկ առաքման դեպքում)

ստորագրությունը

” ” 2020թ.